

**NELLE
FAUSTISSIME
NOZZE DEL CONTE
TOMMASO GESSI
COLLA CONTESSA...**

Giuseppe Rossi



L. 4

NELLE FAUSTISSIME NOZZE

DEL CONTE

TOMMASO GESSI

COLLA CONTESSA

LAURA ZAULI NALDI

I Coniugi

GIUSEPPE ROSSI E CAROLINA DAL POZZO

Parenti dello Sposo

IN SEGNO DI GIUBILO

OFFRONO



FAENZA

DALLA TIPOGRAFIA DI PIETRO CONTI

1870. 7.

IOSEPHI ROSSII EQUITIS

NONNULLA EPIGRAMMATA

CLEMENTI GIOVANARDIO IURISCONSULTO CL.

Irarum abstineas, Clemens, quod ludit inepte
Mignanus, ludum et perdis eo comite:
Non licet invitis illum bene ludere Musis,
Quae, sibi ne ludos anteferat, metuunt.

Faventiae XVIII. Kal. Febr. MDCCCLXVIII.

CAESARI CANTU' EQUITI VIRO CELEBERRIMO.

Si facili accipias animo mea, Caesar, in uno
Edita quae libro carmina mitto tibi;
Nullus te ingenio poterit superare benigno,
Nullus multiplici ut te superat sophia.

III. Non. Febr. MDCCCLXVIII.

4

AD ALOISIUM DALLA VECCHIA CANONICUM
EQUITEM VIRUM CLARISSIMUM MITTIT SUAM
IMAGINEM LUCE GRAPHICE IMPRESSAM.

Ostendunt animi veros mea carmina sensus;
Haec faciem vere ostendit imago meam.

IV. Id. Apr. MDCCCLXVIII.

ANTONIO FILIO SUO DONAT IMAGINEM B. M.
VIRGINIS.

Hanc dono effigiem tibi; in hac cole, gnate, Mariam,
Quae sola est vitae spes columenque tuac.

XVII. Kal. Nov. MDCCCLXVIII.

ALOISIO CIBRARIO COMITI VIRO CELEBERRIMO.

Quae tua seu iuncto pede seu pede scripta soluto
 A te, Cibrari, munera docta tuli,
 Cum me his quinos tenuit Florentia nuper
 Pulcra dies, primum et visere te potui,
 Tantum cara mihi, quantum nec gemma nec aurum est,
 Et tuum in his studium admiror et ingenium.
 Haec equidem servabo, tui ceu pignus amoris,
 Quem gemmae aut auro gratus ego antefero.

VL Idus Maias MDCCCLXIX.



DE SE IPSO.

Felsineo natum in Castro me Felsina docta
 Eduxit, studiisque imbuat Aonidum;
 Nunc retinet carum materna Faventia civem,
 Qui resono latius aera carminibus.

Idibus Maiis MDCCCLXIX.

DE VERSIBUS IOAN. BAPT. MACCARII.

Non, ut, Maccari, tua carmina, dulce adeo est mel;
 Non adeo gratus vere novo Zephyrus:
 Illa membra recreant animum, si quando laboro
 Curis, ac doleo res miseras hominum.

Nonis Iunilis MDCCCLXIX.

LUCÆ VIVARELLIO EQUI TI V. C. DE EIUS TRA-
 GEDIA - GIOVANNI IL BENTIVOGLIO -

Dum, Luca tragico suras devincte cothurno,
 Felsinei casus Bentivoli miseros
 Narras, quot mihi crudelis tua suscitât iras
 Sfortia! ut invisae Virginiae timeo!
 Quae male, dilecti snecensa Hermetis amore,
 Conatur dominae saevitiam fugere:
 Namque illam extinguunt data tetra venena videntem
 Hermetem caesura vulnere obiro suum.

Nonis Iunilis MDCCCLXIX.

ALOISIO SANIO V. C. DE AUREO EIUS CARMINUM LIBELLO.

Ingenii venam, Sani, non quaero benignam,
 Inque tuis linguam carminibus nitidam;
 Est illis utrumque decus; vel dicere laudes
 Sumant femineas; vel bene ad astra ferant,
 Qui triplex cecinit regnum, patriae exsul, et ira
 In patriam, et patrii exarsit amore soli;
 Vel Costae resonent Liguri dulcissimæ, quom iam
 Tam carum inquit mors caput atra mihi;
 Vel Divina canant sanctae convivia mensae,
 Tum cum haec ingenui primum adeunt pueri;
 Vel tractent laetum aut miserum quodcumque
 per orbem est,
 Pingunt naturae simplicis et speciem;
 Illa quidem cedro tua carmina digna putantur,
 Teque bonis merito vatibus adnumerant.

III. Non. Iun. MDCCCLXIX.

ANTONIO SAFFIO EQUIITI V. C.

Ne doleas, uno quod verbo scripta vocavi
 Aurea, quae, Saffi, doni mihi dederas:
 Mens fuit, hoc illis uno verbo addere laudes
 Non solum linguae, verum etiam sophiae:
 Non aurum grato solum fulgore renidet,
 Verum etiam pollet divite materia.

XI. Kal. Quintiles MDCCCLXIX.

AD DOMINICUM MONGIARDINIUM SODALEM BARNA-
BITEM FUNGENTEM VICE RECTORIS IN EPHEBEO
S. ALOISII BONONIAE DIE NOMINALI EIUS PRIDIE
NONAS SEXTILES AN. MDCCCLXIX.

Cui meus est adeo cordi, pater optime, gnatus,
Ut mage non illum diligere ipse queam,
Cumta tibi eveniant cupio felicia votis,
Nec vana in gnatum est tua cura meum;
Ille quidem talis succrescat, te duce, qualem
Et meus atque tuus sedulus optat amor;
Virtutisque ferat maturo tempore fructus,
Egregios fructus et forat ingenii.

AD HENRICUM FRANCESCHIUM EQ. VIR. CL. DE
UTILISSIMA EIUS OPELLA · CITTA' E CAMPAGNA
DIALOGHI DI LINGUA PARLATA ·

A te donatus, Franceschi docte, libellus
Iam mihi, cum orta est nos inter amicitia,
Utilis est pueris ac utilis ille puellis;
Nam cum aliis versari et docet ille loqui,
Ut sermo purus vitiorum puraque lingua
Atque animus simul apparent ingenuus:
Non aliter, ei forte malis purgaverit herbis
Cultor agrum, laeta floret ager segete.

VIII. Kal. Decembres MDCCCLXIX.



